



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis vigesimo - primo
mensis Novembris, anno Domini M. DCC. XLVIII.*

M. BERNARDO-NICOLAO BERTRAND,
Doctore Medico, Præside.

An Vere novo Conceptus, Autumno finire Partus, felicior?

I.



ATO quàm præcipiti ruunt mortalia! Punctum est, quod vivimus. Nasci, pati, mori, humana fors. Inficii nascimur; patimur inviti; eodem, quo vivimus, perimus motu. Ideo; ut quædam immortalitatis species concilietur viventibus, insita est generandi libido cunctis. Commune enim animantium omnium est, conjunctionis appetitus, procreandi causa. At quia in conservatione admodum instabilis, parcaque sit natura; in generatione ferè totam dixeris. Vita quò brevior, eò celerior ad prolem. Id insectis patet evidentissimè. Hanc ob rem, naturæ rerum pa-

A

2

rentis, vis & potentia vix creduntur. Organa viventium tam artificiosè con-
cinnata sint, tam multa tamque varia deprehendantur; quis ad sui similis produ-
ctionem, eorum motus reciprocos, Dædaleasque usquàm comprehenderit
intellectu vias? At à solâ naturâ doctus uterque parens, dum vitam instau-
rat propriam, alienam lucratur, quâ propriâ similitudine utrumque repræ-
sentat; undè perennitas. Id insuper ex observatione constat: indè concubi-
tus, neque nimis concupiscendus, neque nimis pertimescendus est. Caveat
ideò, qui procreandis inservit liberis, ne in secundâ valetudine, adversè præ-
sidia consumat. Ità fiet insuper, ut quod ex naturæ votis opus incipit, cir-
cumscripto tempore feliciter terminetur.

I I

SUSCIPENDÆ prolis dum mas & femina absolvunt opus, sperma-
te virili muliebres fecundatur ovum, si maturum est. Virile semen, sub-
stantia est alba, fluida, viscida, spumosa, & sale constat volatili. Hoc in
latice animalcula, aut elastica quædam corpuscula, ut observatur in Sæpi-
pisce, natant hominis primordia. Illa secernuntur intrâ sinuosos, & exiles
testiculorum tubulos ab ipso sanguine, aservanturque vesiculis seminalibus:
in liquore natantia, indefinita numero. Vivido agitantur motu, tum in ho-
mine, tum in brutis, anguiculorum instar, capite sât crasso, caudâ tenuio-
ri: àt ut filamenta, in avibus deprehenduntur. Igitur si robustum sanumque
viri corpus est, illicòque, à morte subitâ, si vesiculæ aperiantur seminales,
vitro optico deteguntur innumeri vermes in semine, adhuc perniciosissimo agi-
tati motu. At si juniori aut seniori corpore, aut malo habitu, homo fit;
vel si syphilide afficiatur; tunc aut defunt, aut pauci numero pereunt brevi.
Indè vix ulla generationis spes, nisi infirmæ. Muliebres semen virili dispar
est. Ovum est, non menstruus sanguis, non serosus liquor, qui ex vaginæ
glandulis profluit. Hi liquores generationem juvant, non efficiunt. Hinc qui-
bus deficit menstrua purgatio, illæ rarè aut nunquàm nascuntur liberos. At
in utroque sexu, dum mas & femina inserviunt liberis, ubi è virili tubo se-
men exilit, interiore uteri osculo hiant, tubis curvis, earumque sinuosis,
quasi digitis comprimentibus, adaptatis ovario; tot è millibus, anguiculus
unus aut alter ovum feminae penetrat maturum, ipsique ovi cicatriculæ in-
ferunt. Post hæc quâ vi ovarium subiit anguiculus, hominis primordium,
eàdem ab ovario ipsum in uterum cum ovo redit novus hospes. Ovi pedi-
culus, quo adhærebat ovario, utero insigitur, placentaque fit. Hæc pars,
gravidis propria, frequentius adhæret uteri fundo, qui, quam uteri collum
& latera, crassior & amplior evadit. Inter hæc; ovi pediculus elongatur, &
in umbilicalia vertitur vasa, quibus à placenta ad fœtum asportatur nutritio-
nis materies. Ipsius ovi utraque membrana clanculùm ampliatur in chorion
& amnion, quæ membranæ fiunt duæ, nam mitimus Allantoïdem; hæ mem-
branæ totius involucri fœtus. His liquet structuram utriusque sexus, dotes,
conditiones, tam aptas requiri, ut, si quid defecerit, impar sit generatio.

I I I

TESTA recens odorem servat diù, quo semel imbuta est: multi ergò refert;
quid ipsi affundas, & quo tempore. Concubitus interdum pejor est, tutior
nocturnus; ità tamèn, si neque illum cibus, neque hunc cum vigiliâ sequitur la-
bor. Hinc aurora Veneris amica; àt, ut diei, ità anni considerari debent tem-
pora, conditiones, temperamenta, dotes. Hoc idem monstrat iter natura, in
evolutione rerum, quas sinu suo fovet, alit, alterat, efficit. Eligi igitur
debet ad generationem cuique convenientius. Tempestatum ideò, quas,

totius orbis arbiter, Sol dividit, atque moderatur, ratio habenda est maxima. Quæ nebulofo Jove constricta gelu recondebantur, revirescunt favoniis spirantibus. Vere novo, succi hûc usque torpescentes, jam lætius emicant. latiusque diffunduntur; Gemmæ jam lato turgent in palmite; natura jam tota viget radiis vitalibus. Venus idcirco eo tempore anni tutissima est. Reverà ferè omne genus animantium, plantarum genus omne, renovatâ profusione, perennitatem sibi parat. Ex arboribus gemmæ, frondes, flores; spes alterius vitæ. Quidquid spirat, novâ susceptione prolis ardet. Æstas cuncta jam maturare incipit, & pollicetur, fructusque præbet. Canis exortu, quo Sirius ardet, non tantum caniculares incipiunt dies; sed & inde fruges æstu, fructus calore maturescunt omnes, æstiferique terra incipit. Autumnus singula temperat & colligit, & ut, Sole accedente Ver æstatem, ita recedente Sole Autumnus excipit Hiemem, quâ partis fruuntur Coloni. Sic naturæ nusquam otiosæ tempora circumscripta sunt, quæ Sol, mens niundi & temperatio, horum causa princeps, unicuique tempestati propria impertitur liberalis. Atqui ea, quæ Vere novo natura suscipit, eadem definito tempore felicius absolvit germina.

T V.

FECUNDA naturæ admodum providæ vis & harmonia, nunquam satis mirando splendet ordine. Pisces, alites, quadrupedes, cæteraque animantia lostretis. Singulis sexus est, sicut & insectorum plurimis, & cunctis definita conceptus, partusque tempora. Terrestres lumbrici, hirudines, cochleæ quamplurimæ utroque sexu gaudeant, dent & recipient semen; nullum ex his sit ex seipso prægnans. In plantis item masculæ, femineæque partes observantur; sive utrumque sexum eodem in flore, sive in variis ejusdem stirpis partibus, sive in stirpe diversâ distinctum ferant. Ergo mas, qui semper in alio; femina, quæ semper in se generat, requiruntur in omnibus. Id naturæ consonum & analogum est. Mitto tamen quorundam animalculorum generationis modos per varias metamorphoses, quarum observatio licet miranda, ut curiosa tantum, fortèque instructuosa, plerumque posthabetur. Diversas, quis nescit, induunt formas Erucarum species, & Bombyx. Fit enim, ut omitam cætera, ovum ex Bombyce, ex ovo vermiculus, è vermiculo Bruchus, Necydalus de Brucho, Bombyx è Necydalo, & de Bombyce rursus ovum. Hos inde naturæ lusus demiretur Physices amans, sicut & formicarum apumque, & mores, & studia, & populos. In iis, quam in maximis videtur fortè natura major. Quidquid sit, nota duo animantium genera: vivipara, ex quibus foetus in lucem eduntur vivi: ovipara, quæ primum ova pariunt, secunda prius, ex quibus post modum excluduntur foetus. At omne ferè animantium genus Vere novo, igne cæco carpitur. Homo, licet quovis anni tempore operam det liberis; non inde est, quod sibi non expediat, communem cæteri naturam sequi ducem. Unicum solitò, raro duos, rarius plures edat foetus, ut cætera animantia terræ, circumscriptum habet pariendi terminum. Desudent interim Physici, cur octavo mense nati, libitinam æquè citò saluent, atque lucem? Non hîc nostrum est lites componere. Sât nunc sit, ab omni ævo observasse partum, qui nono, decimovè mense hominibus contingit, ex naturæ fieri præscripto. Dùm in utero concluditur foetus involutus; velut pullus ovi tellâ circumambiente; absque spiratione, sensim nutritur à matre. Crescit in dies, donec tandem viviparorum more, in vitales auras è novimestri carcere prorumpat. Ità foetus in utero à matre nutritur, extrâ uterum mammis à matre nutriendus. Id omne benè consulētis naturæ lex.

QUO carius habeat quod peperit mater, prius matri longa novem decem-
vè menses solito tulere fastidia. Statim à conceptu, jam tacitus horror
circa uterum persentitur; despiciuntur cibi; nausea sæpius premit cum vomitu;
& ut gravitate corpus, sic melancholiâ mens laborat. Interim celerius,
tardiùve supprimitur purgatio menstrua; insolita, depravataque & varia fre-
quentius appetit prægnans, virumque hæud raro respuit, nec immerito. Re-
verà pestis acerba prægnantum, tunc venus est: inceptum opus turbat sæpius
improba. In plerisque mense quarto, embryo motus incipit leves edere, cer-
tiores in postero graviditatis indices. Dum fœtus in utero pergit crescere,
in acumen tendit abdomen, & umbilicus latet profundior. Quid inde va-
leant, quidve recusent anni tempestates pro conceptu partuque, non diffi-
cile judicatu est. Quæ concepit, ardente furio, aut brumâ sæviente, illa præ-
gnans à graviditatis exordio, jam anni duriora experitur tempora. Nedùm
commode serveat intus opus, natura ipsa sibi ab ipsis primordiis jam est ad-
versa. Indè, hæud raro, aut flaccidæ mammae abortum præfagiunt, aut vix
formatus fœtus extinguitur; aut tandem generatur imbecillis, post infensiora
sæpius infaustæ graviditatis tempora. Ità ipsa natura moras obicit eò gravi-
ores, quò intempestivè magis primos aggressa fuerit generationis modos. At,
Vere novo, juvenili ætate, præsertim à purgatione menstrua, natura sagax
felicissima tunc generationis suscipit primordia; hæc & eadem benignè, & gra-
datim fovet, motusque progressivos ità regit & temperat, ut sollicita parentum
vota, tandem Autumno finiente, fausto partu beet. Vitantur æstivi temporis
incommoda, detestanda parturientibus; sicut & hyemis inclementia, tam ad-
versa lochiis. Autumnus imò, felix. Colonis & temperatio, otium dat ma-
tri, quò ejus inde vires cum sœnore reparentur. Recens tunc natus, jam il-
dem gaudere dotibus incipit cum matre; felicior sanè, materno si lacte nu-
tritur. Sic & matris & prolis servatur integritas; maximè quia naturæ præ-
cripsit totum opus responderit.

Ergò Vere novo Conceptus, Autumno finiente Partus, felicior.

DOMINI DOCTORES DISPUTATURI.

<i>M. Florentius - Carolus Bellot.</i>	<i>M. Franciscus Bidault.</i>	<i>M. Achilles Franciscus Fontaine, Chirurgie Gallico Idioma- te Professor designatus.</i>
<i>M. Ludovicus Patibot.</i>	<i>M. Joannes-Claudius Munier, Consultarius Medicus Regis ordinarius & Domus Regie Invalidorum.</i>	<i>M. Joannes Baptista-Ludovicus Chomel, Medicus Regis ordi- narius.</i>
<i>M. Franciscus & Nicolaus Gantier.</i>	<i>M. Ludovicus - Renatus Maitcan.</i>	<i>M. Hiacyntus - Theodoros Baron, Exercitus Regii in Italiâ Proio - Medicus.</i>

Proponebat Parisiis LUDOVICUS-ALEXANDER GERVAISE;
Ambianensis, Doctor Medicus Remensis, necnon Saluberrimæ Facultatis
Medicinæ Parisiensis Baccalaureus, A. R. S. H. 1748, à sextâ ad meri-
diem.

Typis QUILLAU, Universitatis & Facultatis Medicinæ Typographi, 1748.